

# TIL HØYRING

## **Forskrift om rett til langtidsopphald i sjukeheim eller tilsvarende bustad særleg tilrettelagt for heildøgns tenester – kriteriar og ventelister i Radøy kommune.**

**Heimel:** Vedteke av Radøy kommunestyre den ...dato..... med heimel i lov 24.juni 2011 nr. 30 om kommunale helse- og omsorgstjenester m.m. § 3-2 a første og andre ledd, samt pasient- og brukerrettighetsloven § 2-1 e første ledd av 01.07.2016.

### **Kap 1.**

#### **Formål, lovgrunnlag, definisjon, virkeområde og organisering:**

##### **§ 1 Formål**

Forskrifta skal sikra den einskilde pasient og brukar med omfattande tenestebehov rett til naudsynte helse- og omsorgstenester frå Radøy kommune.

Forskrifta skal vidare sei kva kriteriar Radøy kommune legg til grunn, for tildeling av langtidsopphald i sjukeheim eller tilsvarende bustad, særskild tilrettelagt for heildøgns helse- og omsorgstenester.

Forskrifta skal og fastsetja korleis Radøy kommune skal følgje opp og ivareta pasient og brukar, som står på venteliste til langtidsopphald i sjukeheim, eller tilsvarende bustad særskild tilrettelagt for heildøgns helse- og omsorgstenester.

##### **§ 2 Lovgrunnlag for tildeling av sjukeheim og bustad særskilt tilrettelagt for heildøgns helse- og omsorgstenester.**

Tildeling av langtidsopphold og helse- og omsorgstenester i sjukeheim er heimla i lov 2. juli 1999 nr. 63 om pasient- og brukerrettigheter § 2-1 a andre ledd og § 2-1 e første ledd, jf. lov 24. juni 2011 nr. 30 om kommunale helse- og omsorgstenester § 3-1 første ledd, § 3-2 første ledd nr. 6 bokstav c og § 3-2 a første ledd.

Tildeling av disposisjonsrett til tilsvarende bustad særskilt tilrettelagt for heildøgns tenester er heimla i lov 2. juli 1999 nr. 63 om pasient- og brukerrettigheter § 2-1 e første ledd, jf. lov 24. juni 2011 nr. 30 om kommunale helse- og omsorgstenester § 3-1 første ledd og § 3-2 a første ledd.

Tildeling av helse- og omsorgstenester i bustad som nemnt i første setning er lov 2. juli 1999 nr. 63 om pasient- og brukerrettigheter § 2-1 a andre ledd, evt. også § 2-1 d, jf. lov 24. juni 2011 nr. 30 om kommunale helse- og omsorgstenester § 3-1 første ledd, jf. § 3-2 første ledd nr. 6 bokstav a og b, og/eller § 3-2 første ledd nr. 5,evt. også § 3-8.

##### **§ 3 Definisjonar**

Med sjukeheim meinar ein helseinstitusjon som fell inn under forskrift av 16. desember 2011 nr. 1254 om kommunal helse- og omsorgsinstitusjon § 1 bokstav d og e og § 2.

Med langtidsopphald meinast det opphold i sjukeheim på ubestemt tid.

Med bustad særskilt tilrettelagt for heldøgns tjenester meinast det:

Bustad som er tilpassa for å yte tjenester som dekker pasient eller brukers behandlings, - omsorgs- og assistansebehov døgnet rundt. Pasient eller bruker må kunne få kontakt og bistand fra eigna personell med tilsvarende responstid som vedkommende ville fått på sykeheim. Pasient eller bruker som får tildelt slik bustad vil få leigekontrakt, betale husleie og får dekka sine hjelpebehov i henhold til individuelle vedtak om tenester i heimen.

##### **§ 4 Virkeområde**

Forskrifta gjeld pasientar og brukarar som er folkeregistrert i Radøy kommune jf. lov 24.juni 2011 nr. 30 § 3-1 første ledd.

Radøy kommune disponerer til ei kvar tid eit visst tal plasser som er berekna for langtidsplass i sjukeheim, og eit visst tal omsorgsbustadar eller bustader særskilt tilrettelagt for heildøgnstenester der

## TIL HØYRING

det vert gjeve eit tenestetilbod tilsvarende som vert gjeve i sjukeheim, jf. definisjonane i denne forskrifta § 3. Denne forskrifta gjeld tildeling av tenester for mennesker med sæskilte hjelpe-og tenestebehov på alle desse plassane.

### § 5 Ansvar og mynde

Enkeltvedtak om tildeling av langtidsplass i institusjon som nemnt i forskrift 16. desember 2011 nr. 1254 om kommunal helse- og omsorgsinstitusjon § 1 bokstav a til d, helse- og omsorgstjenester i og utanfor institusjon i medhald av lov 2. juli 1999 nr. 63 om pasient- og brukerrettigheter § 2-1 a andre ledd, § 2-1 e første ledd og § 2-1 d, jf. lov 24. juni 2011 nr. 30 om kommunale helse- og omsorgstjenester § 3-1 første ledd, § 3-2 første ledd nr. 6, evt. også § 3-2 første ledd nr. 5, § 3-2 a første ledd, § 3-6 og § 3-8 vert fatta av inntaksnemnda i Radøy kommune (eigen prosedyre)

### Kapittel 2.

#### Kriteriar for tildeling av langtidsopphald i sjukeheim og tilsvarende bustad særleg tilrettelagt for heildøgns tenester og for å få stå på venteliste til slikt bu- og tenestetilbod

Pasient eller bruker har rett til opphold i sjukeheim eller tilsvarende bustad særleg tilrettelagt for heildøgns tenester dersom det etter ei grundig helse- og omsorgsfagleg vurdering, er einaste tilbodet som kan sikre pasienten eller brukaren nødvendige og forsvarlege helse- og omsorgstenester etter LEON-prinsippet (lågast effektive omsorgsnivå).

Vurderinga skal innehalde beskriving av om alternativ til langtidsopphald i sjukeheim er vurdert. Til dømes: Helse- og omsorgstenester i heimen, dagtilbod, korttidsopphold i sjukeheim, opphold i omsorgsinstitusjon, tilrettelegging av heimen eller omgjevnad, hjelpemiddel og velferdsteknologiske løysningar, støttekontakt m.m er aktuelle tenester i ventetida på sjukeheimspllass.

#### Avgjerande for om pasient får langtidsopphald i sjukeheim eller får stå på venteliste til slikt bu- og tenestetilbod er fylgjande:

- a) om det er ledig kapasitet i det aktuelle bu- og tenestetilboden
- b) kor mykje det hastar for pasienten eller brukaren å få eit anna bu- og tenestetilbod enn vedkommande har i dag.

#### § 7 Kriteria knytt til pasienten eller brukaren sine ynskje. Brukarmedverknad.

For å opplyse saka tilstrekkeleg, må det være gjennomført eit møte e.l. med pasient eller brukar og/eller partsrepresentant med fylgjande formål:

- a) kartlegging av pasienten eller brukaren sine behov for helse- og omsorgstenester, jf nasjonalt kartleggingsverktøy (IPLOS)
- b) innhente samtykke frå pasienten eller brukaren til å innhente ytterlegare opplysningar som er naudsynte for saksutgreiinga frå andre,
- c) gje pasienten eller brukaren den informasjon og rettleiing som trengs for at vedkommande skal kunne ivareta sine interesser i saka, til dømes informasjon om betaling, jf. denne forskrifta § 11 tredje ledd, og
- d) få klårt fram kva ynskje pasient eller brukar har, etter at tilstrekkeleg informasjon er gjeve, til dømes om det er pasienten eller brukaren sjølv eller partsrepresentanten som har gjeve uttrykk for desse ynskja.

Pasient eller brukar har rett til å velje å ta imot tilbod om langtidsplass i sjukeheim, med mindre vilkåra i lov 2. juli 1999 nr. 63 kapittel 4A er oppfylt.

### § 8 Kriteriar knytt til saksutgreiinga

Syner til prosedyre for inntaksnemnda i Radøy kommune, sjå vedlegg.

# TIL HØYRING

## Kapittel 3

### Rett til enkeltvedtak og oppfølging av pasientar eller brukarar

#### § 9 Rett til enkeltvedtak om helse- og omsorgstenester i sjukeheim

Pasient eller brukar har rett til enkeltvedtak om langtidsopphald i sjukeheim.

Pasient eller brukar som får vedtak om disposisjonsrett til bustad særskilt tilrettelagt for heildøgns tenester, har rett til enkeltvedtak som seier kva tilbod som skal ytast der, som er nemnt i denne forskriften § 2 andre ledd.

Ved venteliste, skal vedtaket skal opplyse om at pasient eller brukar som fyller kriteriane for langtidsopphald i sjukeheim eller tilsvarande bustad særskilt tilrettelagt for heildøgns tenester, kjem på kommunen si venteliste for langtidsopphald.

Pasient og brukar har rett til å klage over vedtak om avslag på sjukeheim eller tilsvarande bustad særskilt tilrettelagt for heildøgns tenester og plass på venteliste for langtidsopphald jf. Pasient- og brukarrettighetslova.

#### § 10 Oppfølging av pasientar eller brukarar på venteliste

Pasient eller brukar som kan bu heime i påvente av langtidsopphald i sjukeheim vil få enkeltvedtak om å stå på venteliste, samt verte opplyst om kva helse- og omsorgstenester som skal ytast i ventetida. Helse- og omsorgstenestene som vert ytt i ventetida, skal til ei kvar tid vere forsvarlege og behovsdekkande.

Kommunen sine rutinar skal syte for at pasient og brukar på venteliste har naudsynne og forsvarlege helse- og omsorgstenester medan dei ventar på tildeling av plass i sjukeheim eller tilsvarande bustad særskilt tilrettelagt for heildøgns omsorgsteneter.

Utanom hastesakene, vert slike bu- og tenestetilbod tildelt den av pasientane eller brukarane som vert vurdert til å ha størst behov for det, når det har blitt ledig eit bu- og tenestetilbod.

Pasient eller brukar som har fått enkeltvedtak om å få stå på venteliste, må difor rekne med at pasientar eller brukarar med meir presserande eller større behov, vert prioritert framfor dei, og at det ikkje gjeld nokon tidsfrist for når eit bu- og tenestetilbod som nemnt ovanfor skal gjevast.

## Kapittel 4.

### Betalig, klage og iverksetjing

#### § 11 Betaling for bu- og tenestetilbod

Eigenbetaling for helse- og omsorgstenester i sjukeheim føl reglane i forskrift 16. desember 2011 nr. 1349, om eigenandel for kommunale helse- og omsorgstenester i institusjon. Informasjon vert gjeve i vedtaket.

#### § 12 Klage

Vedtak kan klagast til Fylkesmannen, jf. pasient- og brukarrettighetslova § 7-2. Ein klage skal være skriftlig, jf. pasient- og brukarrettighetslova § 7-3.

Ein eventuell klage vert sendt til leiar av inntaksnemnda i Radøy kommune, som tar saka til vurdering i første instans. Om det ikkje vert vurdert omgjering av vedtak skal kommunen sende klagen vidare til Fylkesmannen for endleg avgjerd. Klagefrist er 4 veker, og skal framkomme av vedtaket jf pasient- og brukerrettighetsloven § 7-5.

For nærmare opplysningar, eller ved behov for hjelp til å fremje ein eventuell klage, ta kontakt med leiar i inntaksnemnda.

#### § 13 Iverksetjing av forskrifta

Denne forskriften trer i kraft 1. juli 2017.